


大方等大集賢護經

第四

一百
罪八

47773



佛日增輝

轉法輪常轉

山城州天女寺去金剛院置

帝新錄昌

重修

大方等大集賢護經卷第四

隋天竺三藏闍那崛多共笈多等譯

賢護分稱讚功德品第八



尔時賢護菩薩及寶德離車子善商主長者
伽訶笈居士子那羅達多摩納水天長者與
五百徒眾等聞佛所說皆大歡喜即以五百
上衣服奉覆世尊復以多種供具供養世尊
心樂法故各以已身奉承如來尔時世尊告
阿難言是賢護菩薩常於彼等五百徒眾而
作義師說諸法要教化慰喻令彼歡喜以歡
喜故彼輩即得隨順之心真實之心清淨之
心離欲之心除諸煩惱無復蓋纏時五百人



一心合掌恭敬頂禮退住一面。爾時賢護即
白佛言：世尊，菩薩摩訶薩具足幾法而能得
此念佛三昧也？爾時世尊告賢護言：賢護，若
菩薩摩訶薩具足四法，得是三昧，何等為四？
一者不著一切外道語言；二者不樂一切諸
愛欲事；三者常不遠離須陀功德；四者常厭
三界諸有生處。賢護是為菩薩摩訶薩具足
四法，得此三昧。復次，賢護，若有善男子、善女
人，讀誦受持是三昧典，或時復能為他解說，
現前即獲五種功德，何等為五？一者一切衆
毒不能損害；二者一切兵仗不能破傷；三者
一切諸水不能漂沒；四者一切猛火不能焚

燒五者惡王縣官不能得便所以者何由是三昧慈心力故賢護若彼善男子善女人一心勤求是三昧時讀誦受持是三昧時思惟修習是三昧時為他解釋是三昧時若有衆毒及以兵仗一切水火惡王縣官能傷害者無有是處復次賢護假使世間壞劫之火世界燄赫天地洞然若彼受持此三昧典諸善男子及善女人設令墮落大劫火中三昧威神彼火即滅賢護又如嬰兒水能滅小火如是賢護假使持經諸善男子及善女人落彼火中三昧力故大火隨滅若不滅者無有是處復次賢護若彼善男子善女人受持經時若

彼惡王若惡縣官若劫賊若師子若虎狼若
蛇毒若能作障礙者無有是處又設彼等行
是經時若被夜叉若羅刹若餓鬼若鳩槃荼
若毗舍闍乃至一切非人能爲障礙亦無有
是處又若彼男子女人讀誦經時正思惟時
爲他說時入三昧時行梵行時若失衣若失
鉢乃至有諸障礙事者無有是處惟除宿殃
不可轉者復次賢護若彼受持三昧經典諸
善男子善女人輩若患眼若患耳若患鼻若
患舌若患身若患心復有諸餘種種患難乃
至命難梵行難者亦無是處復次賢護若彼
男子女人於此經中得如是聞得如是見得

如是知如是具足已若不值佛若詢正法破
和合僧背佛菩提者亦無是處賢護當知即
彼持經男子女人如上諸事莫能爲礙唯除
宿殃不能轉耳復次賢護彼善男子善女人
持是經者常爲一切諸天稱讚亦爲一切諸
龍稱讚又爲一切夜叉稱讚又爲一切乾闥
婆等之所稱讚又爲一切阿修羅等之所稱
讚又爲一切迦樓羅等之所稱讚又爲一切
緊那羅等之所稱讚又爲一切摩睺羅伽之
所稱讚又爲一切人非人等之所稱讚又爲
一切四大天王之所稱讚又爲一切帝利天
王之所稱讚又爲一切大梵天王之所稱讚

如是乃至常爲一切諸佛世尊之所稱讚也
復次賢護又彼諸善男子善女人持是經者
常爲一切諸天愛敬如是乃至常爲一切諸
龍夜叉乾闥婆阿修羅迦樓羅緊那羅摩睺
羅伽人非人等之所愛敬又爲一切四天大
王之所愛敬如是常爲一切帝利天王乃至
一切大梵天王之所愛敬如是常爲一切諸
菩薩輩乃至一切諸佛世尊之所愛念也復
次賢護又彼諸善男子及善女人以經力故
常爲一切諸天守護如是常爲一切諸龍夜
叉乾闥婆阿修羅迦樓羅緊那羅摩睺羅伽
人及非人之所守護又爲一切四天大王如

是帝利天王乃至大梵天王之所守護如是
常爲一切諸菩薩輩乃至一切諸佛世尊悉
皆覆護十方世界無量阿僧祇世界中現持
法者復次賢護又彼諸善男子善女人以經
威力故一切諸天皆欲見之如是一切諸龍
夜叉乾闥婆阿修羅迦樓羅緊那羅摩睺羅
伽及人非人等皆思欲見又彼一切四天大
王如是一切忉利天王乃至一切大梵天王
皆思欲見如是一切諸菩薩輩乃至一切諸
佛世尊各欲見之復次賢護又彼諸善男子
善女人以經威力故一切諸天常至其所親見
其形令彼觀覩如是一切諸龍夜叉乾闥婆

阿修羅迦樓羅緊那羅摩睺羅伽人非人等
皆見其形隨宜利益又彼一切四天大王帝
利天王乃至一切大梵天王等皆親臨視如
是一切諸菩薩輩乃至一切諸佛世尊非但
晝日或於夢中爲現形像自稱名号摩頂尉
安稱揚勸發也復次賢護又彼諸善男子善
女人雖未曾聞諸餘經典以是三昧威神力
故自然有人來至其所乃至夢中爲其宣說
令彼得聞憶持不失也復次賢護我若說彼
諸善男子善女人暫持三昧微妙經典所得
功德設經劫數終不能盡我之智辯雖復無
窮亦不能說何況彼輩聞此三昧依教修行

如法而住也。尔時世尊為重明此義而說偈言。
若人有能解釋斯
假令我今說功德
若能為他說三昧
刀仗毒害所不傷
若能讀誦三昧經
如彼大蛇諸大毒
若有受持是經典
夜叉羅刹及諸龍
若常守護供養者
師子虎狼諸獸等
若能護持此三昧

諸佛大寂勝三昧
猶彼恒河取一沙
水不能溺火不燒
王賊惡官不得便
不畏一切恐怖事
此等經力能滅除
不畏一切諸惡人
彼徒終無得其便
便在蘭若為朋類
犀牛豺豹及野干
彼有威力不可當

遠離一切惡心人
若能解說此三昧
所生報眼終不衰
若人證知深寂禪
一生永絕諸惡色
若有能讀三昧典
夜叉羅刹與怨讎
若能為他說斯經
諸天晝夜常歌歎
若人為他常轉讀
彼諸容色無等倫
若能轉教諸衆生

及諸夜叉噉精氣
彼無諸病及障災
言詞清妙有大辯
身體雄健無衆病
後終不畏地獄道
諸天守護及龍神
彼雖惡臨不驚懼
天龍夜叉皆歡喜
一切世尊愛若子
一切法中無有疑
豈於菩提有退減
遭值惡王民人亂

時年元早穀儉貴

若人解說此三昧

假雖魔嬈諸衆生

我前說彼持經人

彼終不能加損害

若有護持於此經

我已稱讚於彼等

若能護持如斯法

咸共宣通勿放捨

大方等大集經賢護分饒益品第九

尔時世尊復告賢護菩薩言賢護我念往昔

過於無量阿僧祇劫時有一佛号無畏王如

終無受弊及飢寒

所有功德不思議

不能動斯一毛髮

衆患恐怖及煩惱

惟除往業先定殃

是則於吾為長子

當來之世亦復然

自應恒發歡喜心

我今為汝如是說

來應供等正覺。明行足善逝。世間解無上。士
調御丈夫。天人師。佛世尊。出興於世。當尔之
時。有長者子。名須達。多與二萬人。俱詣彼佛。
無畏王所到。已頂禮彼世尊。足敬禮畢。已退
坐。一面時。須達多即便請彼無畏如來。廣宣
如是三昧深義。賢護尔時。彼無畏王如來。應
供等正覺。知長者子有深信心。樂欲聽聞。如
是三昧應時隨順。而為敷演。賢護時。須達多
於彼佛所。聞三昧已。讀誦受持。思惟其義。即
如說行。既修行已。還即於彼無畏王如來法
中。捨家出家。剃除鬚髮。服袈裟衣。經八万歲。
思惟住持。如是三昧。又復在彼無畏王如來

所聞一切法皆悉受持是後復經諸如來所
聞說斯法亦皆能持於諸佛所種諸善根能
廣成就不思議已然後捨命即得上生三十
三天同受果報即後劫中還復值遇第二如
來而彼如來從刹利生出家成道名曰電德
如來應供等正覺而復於彼電德如來法中
出家修行經八万四千歲還復思惟如是三
昧而更值遇第三如來彼第三佛於婆羅門
家生已亦出家成道号曰光王如來應供等
正覺復於彼如來所出家修行亦於八万四
千歲中常得思惟如是三昧賢護時彼長者
子須達多自是之後過百餘劫即得成就阿

稱多羅三藐三菩提賢護汝應當知亦時彼
長者子須達多者豈異人乎即彼過去然燈
如來應供等正覺是也賢護是故當知彼長
者子須達多者以有如是愛樂法故復有如
是求法行故能速成就阿耨多羅三藐三菩
提也復次賢護汝今當觀是三昧王爲諸菩
薩及衆生輩而作幾許大弘益事所謂當得
一切諸佛智地故復能攝受一切諸佛多聞
海故賢護是故汝等當應勤求如是三昧常
樂聽聞讀誦受持思惟修行旣聞受已當復
爲他讀誦受持解釋義理令他勤求咸得聞
受正念思惟如說修行所以者何賢護若能

勤求讀誦受持正念修行廣宣流布是三昧者不久當得證諸佛智諸如來智大自在智不思議智不可稱智無等等智一切智智乃至得彼不共他智故賢護若復有人能善宣說彼應正言今此三昧即是一切諸菩薩眼諸菩薩父諸菩薩母能與一切諸菩薩輩諸佛智者賢護如是說者是爲善說時善說是三昧也賢護若復有諸男子女人能善說時彼當正言是三昧者即是佛性即是法性即是僧性即是佛地是多聞海是無盡藏頭陀是無盡藏頭陀功德是無盡藏諸佛功德是無盡藏能生深忍是能生大慈能生大悲能

生菩提也賢護是爲彼能善說時說是三昧也賢護若復有人能善宣說彼三昧時彼應正言是三昧王能破一切諸法黑暗能作一切大法光明賢護是爲彼能善說三昧也賢護汝宜觀此菩薩念佛現前三昧爲諸衆生作大利益乃至一切諸菩薩輦住於此土徧見十方一切世界諸佛世尊到諸佛所恭敬禮拜聽聞正法供養衆僧亦不貪著賢護以是義故諸菩薩等若欲成就三昧王者常當專心精勤觀察彼四念處賢護云何菩薩觀四念處賢護菩薩摩訶薩常當專心觀察身行畢竟不見一切諸身常當專心觀察

受行而亦不見一切諸受常當一心觀察心
行而亦不見一切諸心常當一心觀察法行而
亦不見一切諸法賢護如是等事誰能信者
惟彼漏盡阿羅漢及以阿毗跋致諸菩薩等
賢護是中一切愚惑凡夫於彼念佛現前三
昧常當思惟諸佛世尊不得生著又亦思惟
諸佛世尊說如斯法而亦不著又亦思惟我
聽聞法一切所爲皆不得著何以故賢護諸
法皆空本來無生故賢護諸法不可念無念
處故賢護諸法遠離絕心想故賢護諸法不
可執持真如無得故賢護諸法無染如虛空
故賢護諸法清淨遠離衆生故賢護諸法無

濁因緣滅故賢護諸法無為富伽羅不可得
故賢護諸法即涅槃相本性清淨故賢護諸
法無所有一切物不可得故賢護是故諸菩
薩等若欲思惟此三昧者不可異相而能得
入無得相故得見諸佛正念諸佛和合相應
亦得思惟助菩提分念聞正法思量分別選
擇菩提分而不見自身亦不證諸法所以者
何賢護是中不可以色相故而得見佛不可
以聲相故而得聞法不可以希望心成就檀
波羅蜜不可以樂著諸有具足尸波羅蜜不
可以慳悋秘法而得涅槃不可以深著補伽
羅想而獲多聞不可以攀緣諸行而能遠離

諸事不可以樂著住處而得證果不可以隨
順貪愛離諸過非不可以常樂鬪諍成就諸
忍不可以常行惡業而得善果不可以聲聞
乘人而證菩薩念佛三昧亦不可得諸菩薩
忍亦不可以嫉妬取著而得空三昧亦不可
以行愛欲而入奢摩他亦不可以懈怠懶惰
證諸聖道乃至不可以不捨異念諸物而能
成就思惟也賢護是故我今以此三昧付囑
世間諸天王輩受持守護亦付於汝當來宣
布勿令斷絕於是世尊說斯法時有八那由
他欲色界諸天子皆發阿耨多羅三藐三菩
提心復有無量百千人亦發阿耨多羅三藐

三菩提心然而斯輩皆於未來過恒沙劫盡
得成就阿耨多羅三藐三菩提皆同一号名
正解脫如來應供等正覺住世教化壽命亦
等賢護以斯初發菩提心故尚得如是無量
功德具足成就阿耨多羅三藐三菩提況復
我昔行菩提時供養我者彼寧不速成就阿
耨多羅三藐三菩提也賢護復有無量無邊
衆生聞說此法得淨智眼復有八百諸比丘
等於諸漏中心得解脫尔時世尊為重明此
義而說偈言

誰當受持此三昧
斯等戒行無塵垢

彼於福聚不可量
本心清淨猶如鏡

誰當受持是三昧
智慧自然無缺減
誰當受持是三昧
智慧觀察希有法
誰當受持此三昧
彼佛說法難稱量
誰能受持此三昧
大悲如斯拔衆苦
誰能受持此三昧
若有菩薩欲見者
誰能受持此三昧
善能下生於人間

多聞深廣無邊涯
功德盛滿若明月
得覩諸佛不思議
不思議人皆守護
曾見無量諸世尊
皆當奉承修供養
彼爲世間作燈炷
所有世尊悉供養
未來無數諸聖尊
清淨信心修供養
彼勝得利難思議
常得出家善求食

誰能護持此三昧

彼受多福不思議

復能住持於將來

獲斯功德最後利

大方等大集經賢護分具足五法品第十

尔時賢護菩薩從座而起整理衣服偏袒右
肩右膝著地恭敬合掌而白佛言世尊唯願
世尊及比丘僧明日食時臨顧我家受我供
養憐愍我等諸衆生故世尊默然受賢護請
時彼賢護知佛受已頂禮尊足右遶三匝於
是辭還遂復詣彼摩訶波闍波提比丘尼所
到已頂禮波闍波提比丘尼足而即白言願
阿梨耶及諸尼衆憐愍我故受我明朝所設
微供尔時摩訶波闍波提比丘尼默然受請

賢護知已頂禮辭還時彼賢護復詣寶德離
車子所語寶德言寶德汝來汝之所有親戚
眷屬朋友知識及此會中優婆塞衆乃至一
切王舍大城及以自餘城邑聚落諸新來者
爲我請曰受我明朝所設飯食爾時寶德離
車童子受賢護言即告會中諸優婆塞親戚
眷屬等曰仁輩當知彼賢護菩薩令我告汝
明日食時受我微供爾時賢護菩薩寶德離
車子及善商主長者伽訶及多居士子那羅
達多摩納水天長者并及一切諸餘眷屬朋
友知識等頂禮佛足已還彼賢護菩薩舍宅
到已佐彼賢護經營即於其夜約勅家人辦

具諸種精妙上饌所謂世間凡可食噉色香
美味百物備有乃至外國遠來貧窮乞匄亦
為辦具種種精膳而供給之與諸大眾一等
無異所以者何凡諸菩薩心無憎愛不敢輕
他於諸衆生皆平等故尔時娑婆世界主大
梵天王乃至忉利天王釋提桓因四天大王
提頭賴吒等及彼善德天子與諸眷屬咸為
人身讚助其事欲令賢護菩提果報速成就
故尔時賢護與諸眷屬善友知識等掃灑其
家乃至王舍大城街巷道路處處皆悉懸妙
幡蓋廣設種種諸莊嚴具而莊飾之又以諸
種微妙華香布散其地復燒世間第一名香

而為供養時彼賢護如是莊嚴王舍大城及
妙食已於明旦時與諸眷屬詣世尊所頭面
禮敬而啓白言世尊我事已辦願知此時尔
時世尊於晨朝時為賢護故著衣持鉢與彼
無量比丘比丘尼優婆塞優婆夷天人大眾
左右圍遶向彼賢護菩薩舍宅於是賢護發
如斯念我家隘小不受多眾自非世尊威靈
加護令宅寬廣盡為瑠璃令諸城內一切人
民莫不明見亦令今此天人大眾隨意受用
無所乏少不亦快乎尔時世尊知彼賢護心
所念已即以神力令其家宅嚴麗寬廣所有
眾具變成瑠璃亦令城內一切民人皆得覩

見分明顯了足令大衆隨意用之。尔時世尊入賢護宅隨其牀座安庠而坐。亦令一切諸比丘比丘尼優婆塞優婆夷人天大衆隨其部類次第而坐。時彼賢護及寶德離車子善商主優婆塞伽訶及多長者子那羅達多長者子既見世尊與彼四部天人大衆皆安坐已。於是賢護躬以自手持最妙食奉上世尊。世尊受已然後授與諸四部衆及與一切天人。大衆種種上妙香美味食咸令自恣悉皆豐滿。如是一切飯食斯畢。澡手漱口乃至洗滌鉢器持舉皆竟。賢護於是別置小座在世尊前頭面頂禮然後退坐一心瞻仰。尔時世

尊即為賢護菩薩及寶德離車子善商主優
婆塞伽訶及多長者子那羅達多摩納等乃
至四部天人大眾等如應說法令其解知開
導慰喻令其歡喜然後與諸比丘比丘居天
人大眾歸還本所時彼賢護菩薩後食畢已
將諸眷屬善友知識及百千眾左右圍遶至
世尊所恭敬禮拜退坐一面胡跪合掌而白
佛言世尊菩薩摩訶薩具足幾法當能證此
現前三昧佛言賢護菩薩若能成就五法則
便得此現前三昧何等為五所謂一者具甚
深忍滅除至盡二者實無所盡無有盡處三
者本無有亂滅除諸亂四者本無有垢滅除

諸垢五者本無有塵斷離諸塵賢護是為菩薩摩訶薩具足成就無生忍故而能得此現前三昧復次賢護菩薩摩訶薩復有五法能得三昧一者深猷諸有不受諸行二者一切生處念菩提心三者所生常見諸佛世尊四者終不耽著陰界諸入五者終不愛著受欲樂事賢護是為菩薩摩訶薩具足五法成就三昧復次賢護菩薩摩訶薩復有五法能得三昧一者常當思念無邊際心二者常能善入禪定思惟三者分別思惟一切諸法四者於諸衆生無有諍心五者常以四攝攝受衆生所謂布施愛語利行同事賢護是為菩薩

摩訶薩具足五法成就三昧復次賢護菩薩
摩訶薩復有五法能得三昧一者於諸衆生
所常行慈心二者於一切時念修聖行三者
常行忍辱見破戒者恆生敬心四者於自和
尚阿闍梨所不說己能五者於一切處不敢
輕他賢護是爲菩薩摩訶薩具足五法則能
證是現前三昧復次賢護菩薩摩訶薩復有
五法能得三昧一者常依聖教如說修行二
者清淨意業滅身口惡三者清淨戒行斷除
諸見四者常求多聞深信諸善五者常念如
來應等正覺賢護是爲菩薩摩訶薩具足五
法則能獲得現前三昧復次賢護菩薩摩訶

薩復有五法能得三昧一者常行大施能為
施主不起慳貪心無嫉妬弘廣心施純直無
諂於諸沙門及婆羅門貧窮孤獨一切乞人
無所愛惜無有勝上可重之物而不施者所
謂一切微妙飲食名衣上服第一房舍諸種
敷具燈燭華香凡所受用皆悉捨之雖常行
施而不求報憐愍一切無疑惑心既施之後
終無變悔二者常為施主而行法施所謂常
為衆生說如斯法所謂第一最上最勝最妙
最精修行如是大法施時能出一切無礙辯
才文義次第相續不斷如來所說甚深法中
皆能安任成就深忍或時被他誹謗罵辱捶

擊鞭打終無瞋恨穢濁毒心亦無驚懼種種
苦惱而心無畏常懷歡喜三者若聞他說此
三昧時至心聽受書寫讀誦思惟其義廣爲
他人分別演說令是妙法久住世間終無祕
藏使法疾滅四者常無嫉妬遠離諸惱棄捨
蓋纏斷除塵垢不自稱譽亦不毀他五者於
諸佛所常重信心於諸師長常行敬畏於知
識處常生慙愧於諸幼稚常懷慈憐乃至受
他小恩尚思厚報何況人有重德而敢輒忘
常任實言未曾妄語賢護是爲菩薩摩訶薩
具足五法則能獲得如是三昧尔時世尊爲
重明此義以偈頌曰

若於深法心欲樂
智者不願一切生
不用一切諸外論
永斷世間諸五欲
清淨持戒住梵行
深厭五欲真佛子
常行大施不求報
一捨已後不重緣
憐愍衆生行施時
安住調柔而修施
若於財施爲大王
行一切施常踊躍

厭離一切諸後有
若能如是得三昧
乃至語言不聽受
若能如是證三昧
所生不念諸女人
若能如是證三昧
亦無住著悔恨心
唯當攝念思諸佛
決定除疑無變退
若能如是得三昧
無有憍慢嫉妬心
若能如是得三昧

又於法施爲上首
能知其深寂滅法
安住其甚深諸法中
雖被搥罵無惱恨
或時聞說此經典
唯爲法住剎世間
於諸法中不祕悟
但爲紹隆諸佛種
遠離睡眠與衰惱
不自稱讚輕毀他
正信諸佛及法僧
不忘一切諸恩報

善解微妙修多羅
若能如是得三昧
善能堪忍無嫉妬
若能如是得三昧
書寫讀誦巧廣說
若能如是得三昧
不求利養及名聞
若能如是證三昧
除斷嫉妬及蓋纏
能滅我相得三昧
常行誠心無欺誑
彼證三昧無艱難

若能真說無妄言

所作雖微獲報廣

若人有能具斯法

彼得菩提尚不難

凡有所行亦不失

彼於證法無障礙

清淨持戒諸有恩

何況甚深微妙定

大方等大集經賢護分授記品第十一

尔時世尊告賢護菩薩言賢護我念往昔過

於無量阿僧祇復過無量阿僧祇劫初於然

燈佛世尊所聞此三昧聞已即證如斯三昧

見諸如來常現在前從是已來經於無量阿

僧祇諸世尊所皆受是經修行供養彼佛世

尊授我記曰摩納汝於來世當得作佛号釋

迦牟尼如來應供等正覺明行足善逝世間

解無上士調御丈夫天人師佛世尊賢護汝
輦亦當專精一心思惟修習如斯聖法非是
凡夫所見境界甚深寂靜衆相滅處如是學
已未來自自然成就阿耨多羅三藐三菩提無
有艱難如我不異汝等當知若有安任是三
昧者自然當得近大菩提今時世尊為重明
此義以偈頌曰
我嘗遇彼然燈佛
從是常覩諸如來
汝但多集諸功德
若人能行此法中
大方等大集經賢護分甚深品第十二

見已即得三菩提

具足功德大名稱

一心專念即得成

當得無上菩提道

尔時賢護菩薩復白佛言世尊云何思惟如
是三昧佛言賢護若有善男子善女人念欲
思惟此三昧者觀彼色時不應取著於彼聲
中不應取著於彼香中不應取著於彼味中
不應取著於彼觸中不應取著於諸法中不
應取著於諸生中不應取著於一切處不應
取著於是法中當起真實大慈行也是中何
等名爲三昧所謂於一切法中如法行故若
諸菩薩觀念處時當應如是觀察身行終不
分別見身行處觀察受行亦不分別見受行
處觀察心行亦不分別見心行處觀察法行
亦不分別見法行處菩薩當應如是觀察思

惟三昧何以故賢護彼菩薩觀身行時於身
不起思惟分別觀受行時於受不起思惟分
別觀心行時於心不起思惟分別也觀法行
時於法不起思惟分別故所以者何一切法
不可得故如是諸法既不可得云何當有分
別思惟賢護是故一切法無有分別無分別
者無有思惟無思惟者當知彼中無法可見
賢護無可見故便爲無礙一切法中無障礙
故即是菩薩現前三昧菩薩成就是三昧故
即得覩見無量無數過阿僧祇諸佛世尊并
所宣說皆悉聽聞聞彼法已咸能受持彼諸
如來應等正覺所有一切無礙解脫解脫知

見亦即能得彼無礙智復次賢護菩薩觀察
四念處時無法可見無聲可聞無見聞故則
無有法可得分別亦無有法可得思惟而亦
復非瞽盲聵類但是諸法無可見故是故觀
時不生任著而見諸道思惟道故即於諸法
無有疑網無疑網故見佛如來見如來故永

離迷謬無迷謬故知一切法終無可見何以
故菩薩若有如斯見者則取彼見取彼見故
則取法相取法相故則取事業取事業故則
見衆生見衆生故則見壽命見壽命故則見
富伽羅見富伽羅故則見諸陰見諸陰故則
見諸入見諸入故則見諸界見諸界故則見

諸相見諸相故則見諸物見諸物故則見彼
因見彼因故則復見緣以見緣故則便求取
以求取故則有有生何以故賢護一切諸法
終不可取無可取故菩薩於彼一切諸法不
思不念不見不聞賢護終不如諸外道若外
道弟子取著富伽羅及以我見也賢護菩薩
終不作如是見云何見菩薩見者如如來見
終不退轉菩薩見如辟支佛見如阿羅漢見
菩薩當應作如斯見如斯見故不憶不念不
見不聞以不憶念及見聞故滅諸妄想即得
思惟如斯三昧也復次賢護譬如虛空本無
形色不可覩見無有障礙無所依止無有任

處清淨無染亦無垢濁諸菩薩輩見一切法
亦復如是所謂於彼有為無為一切法中無
有障礙乃至亦無處所以眼清淨無障礙故
一切諸法自然現前彼諸菩薩如是念時即
見諸佛其所莊嚴狀如金輦具足威儀如百
千炎炎赫斯照如秋滿月衆星圍遶如轉輪
王軍衆熾盛如天帝釋四輔中尊如大梵王
處彼天座如師子王威伏衆獸如鮮白鵠處
空而飛如須彌山王安住大海如大雪山出
諸良藥如鐵圍山攝持猛風如彼水界住持
大地如大風輪淨虛空界如須彌頂壯麗天
宮如是賢護彼諸如來應等正覺以智德充

照明一切三千大千諸佛世界其事若此賢
護彼諸菩薩於正觀中彼如斯念而諸如來
有所宣說我昔聽聞聞已讀誦受持修行如
是念已從三昧起如彼定中所聞諸法思惟
其義為他宣說賢護當知是三昧王為諸菩
薩作斯利益能與如是諸功德聚所謂世間
出世間一切諸法也賢護是故若彼善男子
善女人隨欲求證無上菩提當應聽聞如是
三昧聞已書寫讀誦受持修習思惟廣為他
說令是妙法流布世間令時世尊為重明此
義以偈頌曰

諸佛清淨離塵垢
功德深廣無所依

鐘鼓鏗鏘衆妙音 萬種咸備倭供養
布散諸種超世香 精異華鬘上寶蓋
然燈供養衆塔廟 所以求此三摩提
佛法甚深難可見 開示世諦令人知
彼如自性初不遷 汝當隨順智無礙
猶日月天初出時 帝釋佐天三十二
衆具莊嚴寶周普 求彼三昧亦復然
譬如梵天處梵衆 威儀寂靜功德圓
勇猛精進不可稱 彼求三昧亦如是
又如醫王處世間 給施病者衆妙藥
隨順諸佛清淨心 初未曾離本空性
譬如雪山諸山王 曄曄同於轉輪帝

亦如寶輦妙莊嚴

彼見諸佛衆相滿

又猶鵠王絕明白

處空自在無礙遊

如是諸佛金色身

世尊真子如斯念

無垢三昧淨智燈

能破大冥諸黑闇

彼除一切衆物想

念諸佛智無礙光

諸垢消滅無瞋毒

無明清淨妙智人

若能觀是無自他

彼終無有諸色相

無疑惑中淨智生

悉能斷斯諸有見

亦已滅亡除界想

聞法除惱得清涼

比丘當知諸佛子

及以清淨比丘尼

彼優婆塞優婆夷

若能念此得三昧

大方等大集經賢護分卷第四

罪

談赫

客上
反焔字許

也許
覓水

上一瓶之耕屬

溺

反奴的

戮

豹

必上
反兒音柴野

之狗也
屬也下

邊

涯下
音宣

饑

食末戀反也

乞

臼

蓋下
音膳

膳

二同特
反食也

扇

隘小

反於賣

澡手

音上

洗

也
洗滌

的

徒反
捶擊

上

之
幼稚

利下
反直

搯罵

竹上

也

反
瞽盲

雙上

音
目古也

一

迷

下
反苗

鏗鏘

耕上
反口

下

金七
玉羊聲反

一

暘

上

反羽

鬼反


下
于

鏗

鏘

耕上
反口

七五



猪飼順良寄附

